

吳伯雄
編

陳壽祺全集

20



廣陵書社

陳壽祺全集

 廣陵書社

第二十冊

卷三十三 水利 福州府……………一

卷三十四 水利 興化府……………四三

卷三十五 水利 泉州府……………一〇五

卷三十六 水利 漳州府 延平府 建寧府……………一四七

卷三十七 水利 邵武府 汀州府 福寧府 臺灣府 永春州 龍巖州……………二〇一

卷三十八 古蹟 福州府（一）……………二四一

卷三十九 古蹟 福州府（二）……………二九九

卷四十 古蹟 福州府（三）……………三七一

卷四十一 古蹟興化府…………… 四二五

卷四十二 古蹟泉州府…………… 四七七

重纂福建通志卷之三十三

水利

古之言智者莫若行水因其自然而利導之而已河防之堵禦海塘之修築溝洫之疏濬天地不能爲用人力以爲之然非順其自然不爲功凡水之性緩則易淤急則慮決旣淤且決非濫則涸旱澇無備而億萬之口且興謠於飯豆羹芋故水利之修經野之急務也閩地多山田高而利水兩山之間必有川瀦而爲泉導而爲流大者爲渠爲陂農人因利乘便或揉木爲輪或截竹爲筒施以轉水尤腴美者水一石或泥數斗且溉且糞其餘若堰閘陡門之屬以時蓄洩者視他省無以異也夫埭名召伯渠曰賈侯史志之矣畱心制置者溝因水勢防因地勢仰體

聖天子盡力溝洫之至意心營而掌運之將見民田廣藝

天庾常充澤潤普滂流於既溢矣又况宣湮鬱導氣脈轉魚鹽杭稻之饒達舟楫帆檣之便其利又何所不至哉志水利

福州府

城外東北河渠

宋嘉祐二年郡守蔡襄從樂遊橋下開沿城外河

尾船場散入港

抵湯門琴亭湖心至北嶺下又自去思橋北出河

三橋曰濕腫

腔北小埔中埔湖心琴亭越塘龍腰後溪桑畚嶺下

范溪瀨溪

國朝道光八年總督孫爾準巡撫韓克均開濬

按東北河渠分爲經流者二歧爲支流者三湯門之水自城南直

瀆新港徑水部門東門繞城屈曲至湯門浮橋合金湯橋水又北

至長壽橋右旋入羅漢灣旁有小汊港二曰龍皇曰貓墜繞達溝

洫又至頭塘二塘三塘菱角塘上洋村下洋村二村之流合名腮

脂塘是爲五塘又至水頭村界居人稱爲東湖又至湖頭橋有湖

頭井古蹟字漫漶不可讀又至斗門橋西流入斗門村至水頭

閘司閘者以時啓閉備旱澇又至孺尾橋河身淺窄淤土漸高又

至長錠浦坊光塘又至鶴髯橋又至沙久積若崇墉然自是以上崎

山浦厚山河無以資灌溉矣爲一大支 湯水關接城中澳橋古

去思橋也。由水關至潘厝橋，東流與湯門長壽橋之潮合。潘厝橋
 北至河尾橋，護城濠也。今悉為民居。河尾橋繞而東，至湯邊村內
 堤橋，又至三汊港，迴環至湯邊外堤橋，逆流上溯，東匯於湯門羅
 漢橋。由外堤橋順流北行，至境後浦達模兜東橋，又至長洋橋、竹
 纜橋、河流漸湮，又至思兒亭橋。閩都記所謂四明亭也。橋旁土壩
 口承長箕嶺之衝，沙土日壅，近村以為患。又至蓮池右，旋至馬頭
 池，池旁有葫蘆池，七星池之一也。不通潮，汐然蓄水，亦足資灌漑。
 又土壩口左，旋入湖前浦地，有湖前井。石刻宋淳熙丁酉造，稍北
 即古安國寺，在鎮海樓左側。三山志云：蔡忠惠開浚城外河，自去
 思橋達安國寺，以北是也。潮窮於此，為一大支。由湖頭井至西
 園村，白連橋、橋旁石塔，明天啓造。又至琴亭下橋，白花六角亭橋。
 又至鋪前河，琴亭村為來宜鋪，父老云：此地本鑿山通渠，河勢高
 仰，得水惟艱。又至琴亭橋，窮於羅漢山之陰，為旁支之一。由湖
 頭橋至湖腔中橋，又至小橋，中橋分支至元帝橋，又至石橋，又至
 第二石橋，又至模兜湖腔，分界橋。橋北直至斗門河，又二百餘
 丈，達思兒亭土壩口，為旁支之二。由水頭斗門分界橋過斗門
 間至雙堤橋，河環入斗門西橋，至鳳山浦，即
 白連浦。本稱東嶼，東湖島嶼也，為旁支之三。

閩縣 按三山志：宋嘉祐二年，郡守蔡襄命三縣疏導渠浦。知
 連江縣權閩縣事朱定開濬，負城河浦百七十六計二

萬一千七百七十四丈
 既田三千六百餘頃

石浦橋浦

接崇賢里界至臺頭長八百一十丈○以下丈數依八閩志

石浦橋裏第一小港至

牛路浦

長二百三十丈

第二小港浦

無量壽院前第三港浦

長四百三丈

第

四小港至嶽前浦

寶月院前浦

長三百一十丈

寶月院前洋中湖塘

長一

百五

統軍塘浦

長一百二十丈

中間接西浦

圳乾浦

長一百三十丈

塘尾浦

長一

百二

湖塘浦

林娘塘

西塘

寶月油車浦

浦西圳

浦東

圳 大浦畔圳

華嚴牆角圳

統軍塘地圳

岳邊洋中圳

岳邊大圳

岳邊圳

鼓山圳

○俱在易俗里

南塘浦

長一百五丈

塘浦

長一百三

十丈 潘洋浦

長九百五十丈

前洋浦北面

長二百五十丈

小橋浦

○俱在遂勝里

懷安界上

浦

在孝義里長四百四十丈

葉嶼古下浦

長六百四十丈

湖西浦

長三百三十丈

湖南浦

長一百二

十丈 南塘浦

長三百一十丈

湖井浦

長一百三十丈

林都衙小插浦

長一百一十丈

吳石小

浦 圳尾插浦

湖塘浦

○俱在桑溪里

橋外方家前小浦

長一百一十丈

龍浦

百丈鄭嬌小浦 西面屈曲小浦 長一百五十丈 康山小浦 長二百五十丈 湖浦南	面長二百一十丈闊三丈二尺深六丈六尺 潘浦 鏡浦 長一百一十丈 尾浦 長二百一十丈 橋裏小	插浦 東嶽塘 長一百四十丈 鄭礫小浦 阮塘 浦東礫內小浦 方	家門前浦 吳宅浦 長一百二十丈 鄰塘浦 長一百五十丈 蔣乖浦 長一百三十丈 鄭坂浦 俱	在歸善里 師姑浦 長一百四十丈 官塘浦 長一百一十五丈 東嶽前至牛頭橋浦 長一百二十	丈西塘浦 長一百三十丈 塘尾浦 報慈浦 長一百二十丈 前塘浦 龍舌浦 高	孤浦 高家浦 長一百一十丈 高家田浦 薛宅前浦 報慈浦口大浦	長一百丈 東坂浦 長腹浦 俱在鼓山里 象村官塘 長七百餘丈 猴嶼官	塘二頃 蒜村石泉庄塘 俱在江左里 翁崎石村官塘 長七百餘丈 溉田十七頃	大孟官塘 長九百五十丈 溉田十三頃 浩溪陳塘 溉田餘 東岐閘 岳溪閘 浩	溪閘 龍塘閘 俱在江右里 童續洲瞻學塘 王埔翁塘 長三百丈 後
---	---	---------------------------------------	--	---	---	---------------------------------------	--	--	---	--

嶼清福塘

上灣王塘

長七百餘丈
溉田七百畝

白巖陳塘

長二百丈
溉田二頃

良陀林

塘

○俱在嘉登里
上九里在城東

王中臣浦

康山浦

白塔浦

長一百丈
九十丈

南門

外水閘邊小浦

長四
百丈

五龍塘後浦

長三百丈
復古五塘則

按舊志云蔡忠惠
可知今舊蹟湮沒無考閩都記云五龍塘後浦在高惠里一圖長
三百丈宋守蔡襄疏通水利附郡城處溉田三千六百餘頃至今
利之詳此則五龍塘疑卽鄭廟邊小浦後鄭南面小浦長一百
古五塘也識之以備參考

北面小浦

王家小浦

長一百
二十丈

王中臣小浦

羊官路南小浦

白塔頭小浦

○俱在
高惠里

羊車路口小浦

長三
百丈

資福院前浦

長二百五
十四丈

石步頭浦

至太平寺基廟前分二
浦共長一千三百丈

吉祥庵前浦

長四
百丈

石步頭浦

至船梅墩前浦長
二百四十六丈

薛昇浦

薛昇重浦

長一百
五十丈

錢塘浦

長三百
五十丈

頭浦

長八
百丈

直瀆浦

三山志云南臺江從江岸開河口通潮北流至
澳橋遂通東湖直如溝瀆故名○俱在嘉崇里

○上二里
在城南

康山浦

長九
百丈

鑠港邊浦

石浦橋浦

長一
百丈

西石浦

小橋浦

長四
百丈

後王浦

後浦

長六百
七十丈

湯門外浦

茶焙浦

長三
百一

一石浦南浦

官河北頭小浦

南頭小浦

稅務前後浦

長一
百三

十丈城外官河

在城東南長六百十
八丈。俱在崇賢里

海隄

唐志在縣東五里太和三
年縣令李茸築初每歲六

月潮水鹹鹵禾苗多死隄成
溪水殖稻其地三百戶皆良田

侯官縣

西湖

在縣西二里晉太守嚴高鑿偽閘又益廣之迤邐南流接西
大濠直通南蓮池三縣承食水利民田總計一萬四千四百

五畝五季就埤宋曹穎叔程師孟蔡襄漸次修築未就淳熙閒趙
汝愚疏請開濬明萬曆十六年知府江鐸改西門外舊閘為壩以

蓄湖水而開北關引湖水入河以通河道未幾奸民藉口受稅養
魚掩為己物仍塞北關致蓄洩不時民受其病三十六年提學僉

事熊尙文乃禁民占佃及尙文移任奸民復假里排輪佃增其稅
以資公費四十年按察使陳邦瞻始立議以湖歸官以湖利歸民

按察副使李思誠復捐俸建閘盡豁湖糧國朝康熙二十二年
總督姚啓聖巡撫金鉉會議開濬四十二年總督金世榮巡撫梅

銅重濬乾隆十三年總督喀爾吉善巡撫潘思渠重濬五十三
冬歲饑總督福康安巡撫徐嗣曾重濬廣袤五里有奇去積土三

百建濬云

水利

卷三十三

水利

口

侯官縣

尺深者五尺卽以所濬之土覆湖岸爲羣山道光八年總督孫爾準巡撫韓克均重濬自北湖頭至西開口易土岸砌石以杜佔墾

石隄長一千二百東湖舊屬懷安縣晉太守嚴高築城時與西湖三十六丈五尺同鑿以泄雨滂舊記周二十餘里宋慶曆

間漸塞爲田而猶有湖濱熙熙則南湖唐貞元十一年觀察使王盡爲田矣今鄉人猶有湖陸之號

十步接西湖之水灌於東南今柳橋是也乾隆府志按湖之塞不知何時今唐公祠前石橋及熊兵泥門二橋猶偃平陸中皆湖

渠遺蹟石湖在西禪寺白竈浦長二百丈報恩院前浦長九百丈林野庄

前浦長一百高宅前浦長一百大王小浦長一百林周圍下浦

末山浦新橋浦長一百趙宅前浦長一百曾家橋浦長一百石

山浦長一百南浦長一百橋亭小浦長一百白竈小浦長一百

在美宅里興福院浦長一百雲澳池俱在孝順山後大浦長

百八十高弄浦長四百錢塘玉浦長九百王石堂小浦長一百七

錢塘小浦長一百西橋南小浦俱在正節石湖浦長一百王山

西橋浦長一百七十二丈菱角塘浦長二百九十二丈官塘浦長四百三十丈西禪塘

長一百四十二丈末山院前小圳邱公官池長二百四十丈應真前小圳長二百四十二丈

西禪寺前小圳○俱在永欽里今二都三會浦長一百四十二丈張家洋浦長一百七十丈

橫圳長一百一十丈松柏橋浦長一百一十五丈長定官池長一百七十丈○俱在

處仁里潮塘浦長六丈中浦長五十丈楊宅浦長三百二十丈五曹浦長五百一十丈

翁宅浦○俱在孝成里今一都白竈浦長六百九十四丈趙宅浦至水陸塘長三

道浦二丈一長一百二十丈邦浦宋浦五曹浦尾○俱在新安里

今一洪塘浦長五百七十丈按新唐書地理志侯官西南七里

都貞元十一年觀有洪塘浦白石岳江而東經贊瀆至柳橋以通舟楫

察使王翊開橋裏浦長四百四十丈裏洲塔前浦外洲浦長一百一十二丈

後崎浦窑頭浦庵頭浦白葉崎浦館前浦王簡浦

林師浦功德院浦大章浦○俱在方樂里今一都牛墩浦長四百五十五丈鄭

水利
侯官縣

崎下浦

長二百四十八丈

張崎下浦

長二百四十丈

上浦

西禪園浦

翁前浦

墩頭浦

鹽嶼上浦

○俱在方興里今一都

官浦

在四十都

厚美堰

在十一都自侯

官市龍臺山起歷金橋徐潯浦口諸

伏嶺堰

○明萬厯間築在十二都

淋汶堰

村至後山頭止長三里明萬厯間築

國朝康熙

石門峽

在十三都石門

五十九年溪漲衝決雍正六年知府蘇文潔重築

石門峽

都石門

明萬厯十年知縣董子行築旋壞二十年知縣周兆聖重築亘三

十里徐燧有記按上四堰厚美最巨而紆迴以障江水泛溢今

則半夷為路矣石門三壩直受諸溪之衝康熙庚子水決田廬湮

蕩者不可勝計畚鍤再施民始知有室家之樂歲而修之俾勿壞

是在司牧

陽崎浦

在四十都

吳山浦

在四十都

鳳岡浦

在四十都○

崎江

澤苗浦

延澤浦

仙坂浦

三浦在四十七都皆通澤苗江潮○通上六浦舊隸懷安縣

水陸塘

宋趙汝愚請大濬西湖疏臣州有西湖接濠而通南湖潴蓄水澤溉田園天時旱暵則發其所聚高田無乾涸之憂時雨泛漲則泄而歸浦卑田無淹浸之患民以享豐年之利後來人戶益繁請射為池戶漁塘蔬圃封畛其閒至募售如世業水源障塞旱澇皆害

州地狹民貧小歉難支此平湖彌望皆負郭良田罔納租稅而池
 戶長享重利第以圭撮稍入不侔甚矣乞於農隙稍尋其舊不過
 損州公使庫地戶數百緡而公私便利為惠無窮焉朱子次趙
 汝愚開西湖詩三首百年地闕有奇功勗見猶驚鶴髮翁共喜安
 車迎國老更傳佳句走郵童閒來且看潮頭入樂事寧憂酒盞空
 會見台星與卿月交光齊照廣寒宮越王城下水溶溶此樂從
 今與眾同滿眼菱荷方永日轉頭禾黍便西風湖光盡處天容闊
 湖信來時海氣通酬唱不誇風物好一心憂國願年豐羅願和
 趙汝愚開西湖詩二首湖邊飛蓋欲誰同治行人思舊弱翁行樂
 未饒漆洧女詠歸應有舞雩童閩山影浸煙雲幻滄海潮連浦漱
 空欲識元侯疏鑿意君王勤儉正卑宮南煙雲幻滄海潮連浦漱
 趨時小異同要使齊民知水利亦如前哲變文風四時鏡淨登臨
 美萬頃雲垂灌溉通嗟我一麾江漢上慨然興歎似南豐
 明葉向高西湖通水關記略西湖通水關八閘東南之所稱靈皋
 也其水茹溪受潮紆縈若帶比年以來水道漸淤太守武林江公
 身自行河慨然歎曰是河不疏後其陸乎且湖水西停無復迴抱
 風氣漓矣遂集吏民陳便利而獨裁以清衷公初策河仰於潮其
 勢易枯上源不開下將日壅則議復西湖之水折入北關以與溪
 潮會而下流濬矣公又策河流難通雖東西高下勢如建瓴可一
 瀉盡也流之不接源何以供則議壘石為閘鍵木為關局而蓄之
 吐納有度而盈縮之權可得而操矣公又策湖水漲決將徙而嚙
 城是我委利於河而移患於城也則議樹閘於北關之外以膺湖

衝而金湯固矣公又策工役繁興縣官之帑藏無所取羨而民力又方絀也其若何以佐費則議於嘉肺之羨縉爲木石資又議先堤河次決湖以測水之淺深仍其通而疏其壅者役乃大綱而公私稱兩利矣公既畫無遺慮乃奏記兩臺使者併藩臬諸大夫先後報可遂以萬歷戊子孟夏肇工凡五閱月而工成公名鐸號鑽石字士振

明徐燿修築石門硤碑石門硤者在大江之許當上游諸溪所匯每歲巨浸橫流率由石門而入汜濫衍溢室廬阡陌湮沒殆盡居民苦之往歲當事者捐官縉築隄以障其衝然率狃於因循苟且高水湍悍崖岸盡圯官縉皆委於水久之不復事塞也于辰年耆老陳某輩趨闕下稽顙上書曰閩中僻在海隅土地磽确石門硤亦侯官一輿區也其田萬畝其人千餘家其產桑麻竹木然地卑下無隄防溪水衝齧歲因以不登厥賦下下臣愚以爲塞之便天子可其奏下所司雜議之於是閩中大吏屬其事於侯邑周侯兆聖侯單車至其地咨諏量度用父老言白諸大吏具題獲允民之繫產於茲地者遂歡然相率捐縉錢鳩工築隄隄成三十餘里不盈期而功告成其沃壤可田其溪下者瀦爲湖其棄地令人菱牧其中無不人人稱便者不費縣官一錢也今年秋水潦漲溢石門居民得免魚鼈而賦栖野祔者則周侯世之伐已見於此矣事既竣父老願得余之一言勒石以垂不朽余曰唯唯乃爲之銘曰惟茲石門卑溼之原眾流來奔建瓴而瀉豈惟害稼溺民廬舍潰爲江河傷民實多瓠子興歌幾千百載巨浸爲害民則何賴惟

我周侯爰咨爰謀障諸奔流奔流既止民用以喜伊誰經始安厥
 室家以桑以麻厥襄滿車昔也魚鼈今也樂業維侯之烈侯烈無
 疆河水湯湯萬年俱長
 李思誠建湖閘豁湖糧記略西湖濬於晉之太康湮於五季復於
 宋趙忠定予奉勅來視水利則久爲豪右所據種魚以牟利矣詭
 名受稅奄而有之啓閉不時蓄洩失度閩地入春多雨當畚鍤方
 興之時而水且溢入不勝溯泝之災至夏苦旱當桔槔欲施之時
 而塵壅相吹曾不收涓滴之潤千百年古蹟爲萬井所仰賴者竟
 廢不講豈不惜哉熊兪事泊陳按察二公相繼抓搔其事比去而
 寢閣如故予趣具牘行之議改里排輪佃夫里排豪強之隱名也
 議增稅給業夫增稅侵漁之詭計也予決意力破浮說悉蠲夙弊
 修南北二閘置鑰下鑰合環湖而田者數百家爲甲鱗次司禁太
 溢則啓而泄之稍平則閉而蓄之猝遇水旱庶其有濟乎以湖歸
 官以湖利歸民卽諸豪臨淵之羨難以藉口矣語云興利莫若公
 去害莫若盡謹勒此以告後之來者
 陳一元興復官浦水利碑閘當延建之下流溪漲驟發邑田負郭
 者多被浸沒獨塔前中房諸村在侯官西北隅爲懷安舊治既苦
 勞又苦旱蓋其地平陸稍隔於大江惟藉官浦之水溯洄出入脈
 絡融貫遶達溝洫先是溪之上流有港一帶名山尾橋蜿蜒而下
 注於桐口綿亘數十里其閒環而村者五建爲橋者八遇澇則因
 水道以殺其澎湃之勢遇旱則藉水渠而資其灌溉之力隆萬初
 年沙泥漸壅奸民謀利者乘淤淺於上流卽港築壩以爲魚池故